

Broj: 01-02-2696/23
Sarajevo, 10.12.2023. godine

Z A P I S N I K
7. REDOVNE SJEDNICE PREDSTAVNIČKOG DOMA PARLAMENTA FEDERACIJE
BIH, održane 28.11.2023. godine

Sjednica Predstavničkog doma održana je u sali Općine Stari Grad.

Sjednica je počela u 11.25.

Sjednicom je predsjedavao, na osnovu ovlaštenja potpredsjedavajući Mladen Bošković.

Zbog tehničkih smetnji početak sjednice nije snimljen.

Zastupnička pitanja

Adnan Efendić pitanje je uputio Vladi FBiH Federalnom ministarstvu finansija, a vezano za dostavljanje Nacrta Budžeta, navodeći da je 5.11. bio rok za dostavljanje istog.

Naredno pitanje uputio je Vladi FBiH a vezano je za set fiskalnih zakona i kada će biti u parlamentarnoj proceduri.

Posljednje pitanje uputio je Autocestama i Federalnom ministarstvu prometa i komunikacija, a vezano za Koridor Vc, te traži tačne rokove izgradnje na svim dionicama koje su u fazi izgradnje.

Kenela Zuko pokrenula je inicijativu prema Vladi FBiH i Zavodu zdravstvenog osiguranja i reosiguranja – obzirom da je u Budžetu Federacije BiH planirano deset miliona konvertibilnih maraka za biomedicinski potpomognutu oplodnju i da je u procesu utrošak istih, traži obustavu trošenja novca, jer ima informaciju da korisnice datih sredstava nisu u mogućnosti koristiti sredstva koja su namijenjena u tu svrhu. Ako postoje druge činjenice, traži od nadležnih da joj ih dostave.

Haris Šabanović ponovio je inicijativu vezanu za intoniranje državne himne na početku svake sjednice.

Elzina Pirić kazala je da je dobila odgovor od Kliničkog centra Univerziteta u Tuzli i odgovornom nije zadovoljna. Postavlja pitanja – kada je formirana prvobitna Komisija za javnu nabavku linearnog akceleratora, CT stimulatora, sistema za planiranje u radioterapiji Fantoma, te kada je razriješena ista; Zašto u prvobitnoj komisiji za javnu nabavku nije imenovan službenik za javne nabavke u skladu sa članom 13. a) Zakona o javnim nabavkama; Zašto su iz prvobitne komisije za javne nabavke razriješena tri od ukupno pet članova, kao i tri od ukupno pet zamjenskih članova Komisije, zašto je zahtjev za obnovu licence za djelatnost posjedovanja i korištenja izvora ionizirajućeg zračenja u specifičnoj medicinskoj djelatnosti radioterapije poslan tri mjeseca nakon isteka same licence; zašto nakon obavijesti o dopuni dokumentacije za obnovu licence od 14.12.2022. godine nisu dostavili traženu dokumentaciju; Zašto nisu urađeni mjesečni i godišnji testovi kontrole kvaliteta; Zašto se nakon servisiranja linearnog akceleratora nije izvršila kontrola kvaliteta uređaja; Kako je moguće da kao odgovorna osoba nije bio upozat s činjenicom da nisu poduzete aktivnosti za produženje licence, budući da je to izjavio prilikom sačinjavanja zapisnika o izvršenom inspekcijskom nadzoru. Zbog svega što je navela, smatra da direktor Tulumović treba podnijeti ostavku.

Belmin Zukan pitanje je uputio Federalnom ministarstvu zdravstva, a vezano je za usvojeni Zakon o hemikalijama – Vlada je bila dužana u roku od šest mjeseci od dana stupanja na snagu ovog Zakona imenovati zajedničko radno tijelo za integrisano upravljanje hemikalijama te je bilo dužno sačiniti u roku od 12 mjeseci Prijedlog strategije hemijske sigurnosti Federacije BiH. Budući da ima informacije da ništa od ovog nije urađeno, traži detaljne informacije da li je i ako nije zašto nije od sada i kada će biti imenovano zajedničko radno

tijelo. Također, federalni ministar je bio dužan donijeti provedbene propise Zakona kojim bi uredio brojna pitanja, a to se još nije desilo, pa pita za detaljne informacije, zašto do sada nisu i u kojoj su fazi izrade i kada se može očekivati da će biti doneseni ovi provedbeni propisi, budći da se bez njih Zakon ne može u potpunosti primjenjivati.

Slaven Raguž pitanje je uputio Federalnom zavodu za penzijsko i invalidsko osiguranje kao i ministru Isaku, a vezano za informaciju koju ima od uposlenika MUP-a koji 25 mjeseci čekaju pravo na penziju.

Drugo pitanje uputio je v.d. direktoru Elektroprivrede HZHB, odnosno nije bio zadovoljan odgovorom pa pita ponovo, a vezano za kupovinu poslovnog prostora u Rodoču koje je sklopila Elektroprivreda HZHB sa Sveučilištem u Mostaru.

Marijan Marjanović pitanje je uputio Etičkoj komisiji – zašto su po prijavi Edine Gabela 25.07.2023. godine održali sjednicu o donijeli zaključak kada se radilo o zastupniku Mariu Karamatiću, te predložili mjere javnog ukora, dok se kod prijave Damira Džebe upućenoj prema zastupniku Sanelu Kajanu dana 26.10.2023. godine donijeli zaključak, kako Etička komisija ne može djelovati dok se ne donese novi Etički kodeks.

Pokrenuo je inicijativu koja je upućena Federalnom ministarstvu zdravstva, a odnosi se na izmjenu i dopunu Zakona o zdravstvenoj zaštiti, odnosno član 6. Predlaže da se u Zakon uvrsti da je za direktora zdravstvene ustanove potrebno imati medicinski, stomatološki odnosno farmaceutski fakultet i sveučilišni studij medicinsko-zdravstvenog usmjerenja.

Nihad Krajinović pokrenuo je inicijativu, zajedno sa zastupnicima Azrom Okić, Kadrijom Hodžićem i Hajrudinom Kozarevićem za izradu Zakona o personalnoj asistenciji Federacije BiH, te dao obrazloženje.

Alma Kratina pitanje je uputila federalnom ministru pravde, a vezano za Zaključak koji je Dom usvojio, na prijedlog Komisije za ravnopravnost spolova, gdje se traži, u roku od 90 dana da se Zakon o zaštiti od nasilja u porodici uskladi sa Istanbulskom konvencijom, kao i izmjene i dopune Krivičnog zakona. Također u inicijativi pokreće i aktivnosti vezane za nadležna ministarstva i kantonalne skupštine, koji moraju ostvariti konkretne aktivnosti po ovom pitanju. Podsjetila je da je krajem prošlog mandata Komisija uputila Nacrt Zakona o zaštiti od nasilja u porodici koji je usklađen sa Istanbulskom konvencijom.

Sanel Kajan pokrenuo je inicijativu prema Vladi Federacije BiH odnosno Minsitarstvu okoliša i turizma Federacije BiH, da hitno nastavi aktivnosti na izradi Zakona o Nacionalnom parku Prenj i Zakona o nacionalnom parku Čvrsnica, Čabulja, Vran kao i da pokrene aktivnosti na uspostavljanju zaštite drugih prirodnih bogatstava i prirodnih područja poput Bjelašnice, Igmana, Visočice, Vranice, Raduše, Vlašića, Šatora, te dao obrazloženje.

Također, pokrenuo je inicijativu za pravilno isticanje zastave Bosne i Hercegovine.

Mara Đukić ponovila je inicijativu, vezanu za odobrenje sredstava za preventivnu zaštitu od malignih bolesti. Traži od Vlade FBiH da to bude nova stavka u Budžetu od 30 miliona KM.

Mahir Mešalić pitanje je uputio premijeru Federacije BiH - zašto je i po kojem kriteriju bolnici u Mostaru dodjeljeno sedam miliona KM a UKC Tuzla 500 hiljada KM.

Safet Omerović pitanje je uputio vezano za strateški plan razvoja zdravstva FBiH.

Amir Ibrović ponovio je pitanje - u kojoj fazi je realizacija Projekta izgradnje podzemnog skladišta plina za potrebe Federacije BiH.

Mirza Batalović pitanje je uputio, a odnosi se na petu sjednicu, kada je Predstavnički dom na prijedlog klubova NES i SBiH usvojio Zaključak, kojim je zadužio Ustavnu komisiju da razmotri postojeći ustavni sistem Federacije BiH i inicira usklađivanje ustavnih odredbi za izbor Vlade FBiH na način da to bude sistemsko i trajno rješenje. Pitanje je uputio rukovodstvu Doma i Ustavnoj komisiji, da li su i koje radnje poduzete na realizaciji usvojenog zaključka i kada će materijal koji je pripremila Ustavna komisija biti upućen u parlamentarnu proceduru.

Mirza Čelik pitanje je uputio Vladi FBiH—u kojoj fazi je Nacrt Zakona o doživotnoj mjesečnoj naknadi zaslužnim sportistima u FBiH, da li je spreman prijedlog i kada će doći u parlamentarnu proceduru.

Naredno pitanje – da li je zasjedala Komisija za izradu Etičkog kodeksa i ukoliko danas rukovodstvo ne ponudi Prijedlog zaključka tražiti će od kolegica i kolega da potpišu zaključak

kojim će obavezati tu istu Komisiju da u roku od 30 dana dostavi u parlamentarnu proceduru novi Etički kodeks po već usvojenom zaključku.

Zadnje pitanje za Federalno ministarstvo energije, rudarstva i industrije a odnosi se na mjerna mjesta i skuplju električnu energiju, te smatra da je potrebno pokrenuti izmjene ovog Zakona.

Admir Čavalić prvo pitanje uputio je Federalnom ministarstvu finansija, a vezano je za fiskalne zakone.

Naredno pitanje uputio je Vladi FBiH, a vezano je za putnu infrastrukturu na području Tuzlanskog kantona.

Pokrenuo je inicijativu prema Elektroprivredi BiH da napravi finansijsku kalkulaciju vezanu za raskidanje ugovora o izgradnju Bloka 7.

Naredna inicijativa upućena je prema ministrici kulture i sporta, a vezano je za zapošljavanje glumačkog kadra u Narodnom pozorištu Tuzla, te traži da se ti navodi ispituju.

Dragan Mioković kazao je da su pitanja koja je htio postaviti ministru pravde na tragu pitanja koja je postavila zastupnica Kratina.

U septembru je pokrenuo inicijativu, kojom je od Zakonodavno-pravne komisije tražio da razmotri i podnese izvještaj o tome da li je prilikom imenovanja radne grupe koja je provela proceduru i sačinila listu uspješnih kandidata za sudiju Ustavnog suda BiH kojeg bira Predstavnički dom Parlamenta FBiH prekršena propisana procedura izbora iste i na taj način kompromitovan kompletan proces izbora. Zakonodavno-pravna komisija se proglasila nenadležnom. Odgovorom nije zadovoljan, obzirom na činjenicu da nije dobio uputu ko jeste nadležan, kazao je da dok Klub Naše stranke ne dobije odgovor, kompletna lista za izbor sudije za njih ne postoji.

Alma Beganović pitanje je uputila Federalnom ministarstvu rada i socijalne politike – zašto Ministarstvo ne pokreće aktivnosti oko formiranja Vijeća za zaštitu na radu.

Suada Halilović pokrenula je inicijativu prema Federalnom ministarstvu trgovine za uspostavu partnerstva za pravednije cijene između proizvođača, trgovaca i Federacije BiH, te dala obrazloženje.

Također, pokrenula je inicijativu prema Uredu za reviziju institucija u Federaciji BiH da se sprovede finansijska revizija Javnog preduzeća Deponija Uborak u Mostaru.

Ajla Milišić Pepić pokrenula je inicijativu prema Željeznicama Federacije BiH i Direkciji Cesta FBiH, da se napravi evaluacija i planiraju sredstva za poboljšanje sigurnosne infrastrukture pružnih prijelaza u Federaciji BiH.

Narednu inicijativu pokrenula je prema Federalnom ministarstvu pravde za autentično tumačenje člana 183. stav 3. Zakona o izvršenju krivičnih sankcija FBiH.

Narednom inicijativom traži da se u ulici Safeta Zajke naprave trotoari pored glavne saobraćajnice te da se adekvatno obilježi pješачki prijelaz i autobusko stajalište.

Pitanje je uputila Vladi FBiH i Federalnom ministarstvu kulture i sporta – koliko su dodijelili novca fudbalskim klubovima u Federaciji u protekle tri godine uz obrazloženje za šta su tačno bila dodjeljena sredstva.

Damir Nikšić pokrenuo je inicijativu prema Vladi FBiH i Federalnom ministarstvu finansija za izradu Zakona o porezu na nepokretnu imovinu, kojom će se osigurati progresivna stopa oporezivanja imovine.

Marko Saraf pitanje je uputio Federalnom ministarstvu prometa i komunikacija i Direkciji cesta FBiH – u kojoj fazi je realizacija izgradnje brze ceste Lašva-Nević Polje i koji je rok ili plan za izradu projektne dokumentacije za nastavak izgradnje brze ceste prema Turbetu i Jajcu.

Pokrenuo je inicijativu prema Ministarstvu unutrašnjih poslova i Ministarstvu prometa i komunikacija, a odnosi se na instaliranje dodatnih stacioniranih radara na magistralnim cestama u Federaciji i naseljenim mjestima i na dionici koje su posebno opasne kod prekoračenja brzine. Također, u gradskim zonama instaliranje uređaja za praćenje korištenja mobilnih telefona i sigurnosnih pojaseva.

Ivan Boban pitanje je uputio Vladi FBiH odnosno resornom ministarstvu, a vezano je za Zakon o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, a koji je na dnevnom redu sjednice, koliko će se primjenjivati i

koliko su imali uplata u posljednje dvije godine Grad Livno i Općina Tomislavgrad. Ima informaciju da se Zakon ne poštuje, odnosno da sredstava koja su trebala biti uplaćena nisu realizirana.

Miralem Galijašević postavio je pitanje – šta Vlada FBiH ima namjeru poduzeti vezano za najavu gašenja proizvodnje u kombinatu Acelor Mittal iz Zenice.

Data je pauza do 13,20 te će se u pauzi sastati Zakonodavno-pravna komisija.

Nakon pauze Belmin Zukan kazao je da Zakonodavno-pravna komisija nije mogla održati sjednicu, zbog nedostataka kvoruma.

U raspravi o izmjenama i dopunama dnevnog reda učestvovali su: Admir Čavalić, Belmin Zukan, Mahir Mešalić, Mladen Bošković, Salko Zildžić, Mirsad Zaimović, Bajro Makić, Belmin Zukan, Jasmina Bišćević-Tokić, ministar Vojin Mijatović, Slaven Raguž, Luka Faletar i Amir Ibrović.

Mladen Bošković ispred Kluba zastupnika HDZ BiH-HNS kazao je da je Klub dostavio zahtjev za povlačenje sa dnevnog reda tačke - Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, te dao obrazloženje.

Ministar Mijatović povukao je sa dnevnog reda tačke: Prijedlog Zakona o poduzetničkoj infrastrukturi u Federaciji BiH i Prijedlog Zakona o poticanju male privrede u Federaciji BiH.

Prijedlog zastupnika Amira Purića i Admira Čavalića da se u dnevni red uvrsti tačka - Prijedlog Zakona o izmjeni Zakona o izboru, prestanku mandata, opozivu i zamjeni načelnika općina u Federaciji BiH, po skraćenom postupku, nije usvojen (14 glasova za, bez glasova protiv i 57 uzdržanih glasova).

Prijedlog predsjedavajuće Doma, ispred Kolegija, da se u dnevni red uvrsti Zaključak Kolegija od 27.11.2023. godine, usvojen je sa 76 glasova za, bez glasova protiv i bez uzdržanih glasova.

Prijedlog Slavena Raguža, da se u dnevni red uvrsti Deklaracija o uvođenju modernih tehnologija u kontrolu izbornog procesa, usvojen je sa 80 glasova za, bez glasova protiv i bez uzdržanih glasova.

Prijedlog zastupnika Admira Čavalića i Harisa Silajdžića, da se u dnevni red uvrsti Prijedlog Zakona o doprinosima, na osnovu pojedinačnog izjašnjavanja nije usvojen (41 glas za, bez glasova protiv i 42 uzdržana glasa).

Prijedlog Admira Čavalića, da se u dnevni red uvrsti Prijedlog Zakona o plaćama i naknadama u organima vlasti nije stavljen na glasanje, jer Zakonodavno-pravna komisija nije dala mišljenje o njemu.

Data je kratka pauza kako bi zastupnici dobili predloženi dnevni red.

Sa 85 glasova za, bez glasova protiv i bez uzdržanih glasova, usvojen je sljedeći:

D N E V N I R E D

1. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa,
2. Prijedlog Odluke o davanju saglasnosti na dopunu Statuta Federalnog zavoda za penzijsko i invalidsko osiguranje,
3. Izvještaj o odobravanju izdvajanja sredstava iz „Tekuća rezerva“ Vlade Federacije
Budžeta Federacije Bosne i Hercegovine za 2023. godinu za period 01.01. do 30.06.2023. godine na propisanim obrascima
4. Prijedlog Zaključka Kolegija Predstavničkog doma Parlamenta FBiH od 27.11.2023. godine, a u vezi sa osiguranjem uslova za rad Predstavničkog doma.
5. Deklaracija o uvođenju modernih tehnologija u kontrolu izbornog procesa
6. Izbori i imenovanja.

1. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa,

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija.

Ispred Odbora za ekonomsku i finansijsku politiku obrazlagao je Admir Čavalić.

Domu se obratio i Zoran Mičević ispred tima za implemetaciju Projekta pri Federalnom ministarstvu poljoprivrede.

U raspravi su učestvovali: (*smetnje...*), Slaven Raguž, Mario Karamatić, Adnan Efendić i Damir Nikšić.

Sa 60 glasova za, bez glasova protiv i 20 uzdržanih glasova, Predstavnički dom donio je Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa.

2. Prijedlog Odluke o davanju saglasnosti na dopunu Statuta Federalnog zavoda za penzijsko i invalidsko osiguranje,

Prijedlog Odluke dostavila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Predstavnik Federalnog zavoda za penzijsko i invalidsko osiguranje Sulajman Garib dao je dodatno obrazloženje.

U raspravi niko nije učestvovao.

Sa 85 glasova za, bez glasova protiv i bez uzdržanih glasova, Predstavnički dom donio je Odluku o davanju saglasnosti na dopunu Statuta Federalnog zavoda za penzijsko i invalidsko osiguranje.

3. Izvještaj o odobravanju izdvajanja sredstava iz „Tekuca rezerva“ Vlade Federacije Budžeta Federacije Bosne i Hercegovine za 2023. godinu za period 01 01. Do 30.06.2023. godine na propisanim obrascima

Izvještaj dostavila je Vlada FBiH.

Izvještaj su razmatrala nadležna radna tijela i dostavila izvještaje.

Ispred Vlade FBiH, odnosno Federalnog ministarstva finansija dodatno obrazloženje dala je Ana Nikolić.

Sa 83 glasa za, bez glasova protiv i bez uzdržanih glasova, Predstavnički dom donio je Zaključak kojim prihvata Izvještaj o odobravanju izdvajanja sredstava iz „Tekuca rezerva“ Vlade Federacije Budžeta Federacije Bosne i Hercegovine za 2023. godinu za period 01 01. Do 30.06.2023. godine na propisanim obrascima.

4. Prijedlog Zaključka Kolegija Predstavničkog doma Parlamenta FBiH od 27.11.2023. godine, a u vezi sa osiguranjem uslova za rad Predstavničkog doma,

Prijedlog Zaključka dostavila je predsjedavajuća Predstavničkog doma koja je i dala dodatno obrazloženje.

U raspravi je učestvovao Drago Stanić.

Sa 83 glasa za, bez glasova protiv i bez uzdržanih glasova, usvojen je sljedeći:

ZAKLJUČAK

Zadužuje se Vlada Federacije Bosne i Hercegovine, da iznađe rjesenje i hitno osigura adekvatno sjedište (zgradu) za rad oba doma Parlamenta Federacije BiH, održavanje sjednica, rad klubova oba doma Parlamenta, te rad stalnih radnih tijela i rad stručnih službi oba doma Parlamenta FBiH uključujući Zajedničku službu Parlamenta FBiH.

Zadužuje se Vlada FBiH da u roku od trideset (30) dana od dana usvajanja ovog Zaključka, dostavi ovom Domu informaciju o poduzetim aktivnostima.

Zadužuje se Vlada Federacije BiH da putem Službe za zajedničke poslove uradi hitnu intervenciju i sanaciju trenutačnih prostorija u kojim se nalazi Parlament FBiH, ulica Hamdije Kreševljakovića broj 3., Sarajevo.

5. Deklaracija o uvođenju modernih tehnologija u kontrolu izbornog procesa

Deklaraciju je utvrdio zastupnik Slaven Raguž.

Zastupnik Raguž dao je dodatno obrazloženje.

Na Deklaraciju dva amandmana podnio je Klub zastupnika HDZBiH-HNS.

U raspravi su učestvovali: Admir Čavalić, Mahir Mešalić, Dragan Mioković, Slaven Raguž, Mario Karamatić, (*smetnje...*), Damir Mašić, Amir Purić, Mladen Bošković, Salko Zildžić i Mahir Mešalić.

Amandman I, Kluba zastupnika HDZBiH-HNS, koji se odnosi na Deklaraciju nije usvojen (19 glasova za, 52 glasa protiv i 10 uzdržanih glasova).

Od amandmana II., ispred Kluba Mladen Bošković kazao je da od njega odustaje.

Sa 67 glasova za, osam glasova protiv i tri uzdržana glasa, usvojena je Deklaracija o uvođenju modernih tehnologija u kontrolu izbornog procesa.

Potpredsjedavajući Bošković zaključio je rad 7. redovne sjednice u 16.43.

Transkript i prijepis transkripta čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BIH

Mirjana Marinković-Lepić